

BONERIANO®

EDITOR:
Bonaire Communication Services N.V.

Djammers 4 òktober 2022

Preis:\$1.00

BONEIRU DEN SHÒK



Auto Parts & Garage Kaya Bulgaira # 9

sirbiendo BONEIRU pa

25 aña

Nos ta yama tur nos klientenan danki pa e konfiansa depositá den nos durante e 25 aña nan aki.

Rangernan a biaha pa Kòrsou



Fin di siman un grupo di ranger di STINAPA, konsistiendo di Kadèt i Trupa, esnan mas yòn den e programa, a biaha pa eksplorá Kòrsou pa edukashon natural, konstrukshon di tim i aventura. Tema di e biahe ta 'Konservashon, restorashon i maneho'.

Bestia protehá a bira un plaga

Página 2



xerox™

OBERSI
ELECTRONICS
BONAIRE

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA



2X Double Points Tuesday!
ALL DAY EVERY TUESDAY!
Earn Double Points on your Club Card
Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

cityshopbonaire.com

[f](#) City Shop Bonaire

[wa](#) +599 700.6442

[t](#) +599 717.3666

City Shop
Smart shopping • Better living

Bestia protehá a bira un plaga

KRALENDIJK -- Pa Daisy Coffie, miembro di Konseho Insular di Frakshon Coffie, yuana i lora a bira un plaga. E ta haña ku mester buska un otro forma pa atendé ku nan i no solamente protehá i entretantu e ta bira un molèster pa hende.

Coffie: "Yuana ta un plaga na Boneiru, na niun hotèl no por sinta trankil, pasobra yuana ta subi hende su pia. Mi no ta mira un rason pa protehá yuana. Mester

mitigá e kantidat di yuana. Mi gusta tur e loranan, te na momentu e mira e pal'i mango den mi kurá i den esun di mi bisiña kon bou di e palunan ta keda tur na mango. Na e momentu ei mi no por wanta niun lora, pero ora ku mi wak nan nèchi atrobe ta bon."

Lora tambe mester wak un otro forma pa atendé ku nan i no solamente protehá i entretantu e ta bira un molèster pa hende. Antes no tabatin tantísimo lora



kaminda ku tabatin kas, kisas e tempu ei nan tabata den kouchi na e kasnan mes i awor nan ta liber. Pero, na Coffie su konsepto, mester wak un otro forma pa atendé ku e loranan, pa por yega na un otro tipo di maneho mas na midí.

Carrefour B.V.

ta buska

1 kok

1 Assistent-kok

Pa mas inf. tel. 795-2115

Luna internashonal malesa kanser na pechu

KRALENDIJK -- "Nos a drenta luna di òktober, ku ta e luna internashonal di e malesa di kanser na pechu.

Mundialmente esaki ta e kanser ku mas ta bin dilanti serka hende muhé. Kankerfonds Bonaire tambe mane-

ra ya ta kustumber, ta para ketu na esaki.

Ta importante pa tur hende muhé, sin importá

edat, sa kon pa kontrolá nan mes, s kiko ta sintomanan i tene kuenta ku rísikonan ku por tin. Purba mas tantu posibel di ta bon informá i si ripará algu ku no ta normal, pa akudí mesora na dòkter di kas.

E aña aki Kanker Fonds Bonaire ke para ketu un ratu na e parti di moveshon i ehersisio. Banda di un nutrishon saludabel, e parti akí ta tambe ta hopi importante pa tur hende. E ta keda importante na momentu ku bira un pashènt di kanser. Esaki ta loke fisioterapistanan manera Anita Visker, ta para pe.

Durante e luna akí, Kankerfonds Bonaire tin diferente aktividat. Por ehèmpel un charla tokante kanser na pechu dia 18 di òktober di 7'or pa 8'or

anochi na Captain Don's Habitat, ku oradónan dòkter Deepu Daryanani kende ta siruhano di onkologia, Shahaira Salas-Libier di departemento di screening i Jodeska Cicilia kende ta enfermera di onkologia na Fundashon Mariadal.

Entrada ta grátis, pero mester registrá promé na 796-9798.

Tambe Kankerfonds Bonaire lo tin zumba, pero mas despues lo duna mas informashon di esaki.

Kankerfonds Bonaire ta pidi tur hende muhé ku haña e invitashon, pa partisipá na investigashon di poblashon di kanser na pechu di RIVM.

Detekshon mas tempran ta hasi e tratamentu ménos pisá i e chèns di kura mas grandi.

Óktober
Luna di
Kanser na pechu

Bo ta invitá na un Charla tokante kanser na pechu

ORADONAN:
Dr. Deepu Daryanani Sirugano di Onkologia
Shahaira Salas Libier Dept. di Screening
Jodeska Cicilia Enfermera Onkologia FM

Fecha: 18 Òktober 2022
Orario: 7PM - 9PM (porta ta habri 6:30)
Entrada: Gratis (registra na 796 9798)
Sitio: Captain's Don Habitat

"Komo pashènt di kanser, no para ketu! Keda den moveshon."

Anita Visker
Fysiotherapeut

Hopi biaha ora un persona bira pashènt di kanser, su mundu ta para ketu. Fasilmente por kai den isolashon. Mi ta konseha bo pa sigui move. E ta bon pa bo kurpa i mente.

F
P



Saludo, bendishon di Dios, pa kada un di boso ku ta resa i kere den Señor.

Wikènt tabata basta drùk p'ami. Pero mi a logra pasa tur loke mi tabatin den agènda. Siman nobo a kuminsá i e dlanan aki ta asunto di Regata ta na turno. Bon mes ta djárasen kos ta kuminsá anochi i no fo'i djadumingu manera ántes. Ántes no tabata problema p'ami, mare e por a dura 2 siman mes di Regata. Awor ku mi tin ku atendé komo trabou, un siman tur anochi den kaya, e ta molestiá bo.

Djadumingu pasá mi a landa bai Klein Bonaire i bin bèk. Sí landando algun hende ta puntrá mi si mi ta bai bèk. Mi di ku nan sigur mi ta bai bèk, pero ku boto no landá. Mi a kansa, loke ta normal, pero manera mi a yega tera, sin gaña mi no a sinti ku mi ta kansá i djaluna mi no a lanta steif, ku mi no por a traha. Notabel loke hopi hende a hasi remarke, masha poko Boneriano ku ta konosí komo hòmbèr di laman òf bon landadó tabata presente.

Mi a komprondé tabatin mas o ménos 700 hende a inskribí, keré mi sí e ta yega 50 Boneriano, e ta hopi. Ya no ta un obligashon pa partisipá òf kompetí, pero mi ta djis bisa loke mi a mira. Mi a pasa dushi apesar di tabata pronka e parti final pa yega e boto na Klein Bonaire. Eh eh, e awa tabata hala bai sùit, loke ta hasi e ruta mas largu. Hopi hende, kasi mayoria ta yega e boto na Klein Boneiru for di direkshon sùit. Siendo nos ta sali stret pariba bai pabou. Dushi eksperensia.

Ta mi di tres biá ku mi a land'é i den nòmber di Dios, otro aña mi tei atrobe. Ora nos a kaba landa i regresá tera firme, tabatin un bon baki di fruta fresku, sigur e tabata na su lugá. Spera otro aña mi topa mas antiano Boneriano den laman.

Ban gosa e siman aki di nos dushi Regata, e fiesta ku tabata esun di mas grandi riba e isla akí, awor e ta kokobiando pa stabilisá i kisas bira meskos òf mas grandi ku e tabata.

Kontra lei:

Minister ta revoká libertat kondishonal

KRALENDIJK- “Ken a hasi e petishon pa revoká libertat kondishonal di mi kliente? Niun hende a manda konseho pa hasi esaki, tampoko ta na altura di un

petishon. Ministerio Públiko no sa, Reclasing no sa ni prizòn no sa. Kon por ta?”, abogado mr. Edward Winkel ta kuestioná fuertemente.



Riba djaweps 29 di sèptèmber último Korte den Promé Instansia a atendé e kaso sumario di e hòmbèr Richard C. durante kua Ministerio Públiko, komo estado, ta pidi korte pa rechasá e petishon pa libertat kondishonal di e detenido.

C. a sali den libertat kondishonal pero sin niun klase di kondishon, aunke lei ta stipulá kondishonnan basta klaro si un detenido rekobra libertat den e kuadro aki.

Na e momentu aki C. ta sintando un kastigu nobo, di kua e ta den e último fase. Awor Ministerio Públiko ke pa revoká e libertat kondishonal i pa C. sinta e

periodo bieu tambe. Segun mr. Winkel esaki no por.

“Sóbadije lei ta bisa ku Minister no por revoká libertat kondishonal di un detenido sin pidi konseho di prizòn òf Reclasing.

Awor tin un desishon firmá pa Minister pero no a skucha direktor di prizòn ni Reclasing. Minister tambe mester mantené su mes na lei”, e abogado ta desaprobá.

Hues a duna C. e último palabra. “Mi no ta di akuerdo ku e desishon. M'a kai será despues ku e kastigu a kaduká.

Mi no tin nada mas kologá. Mi no ta haña ku mi mester sinta mas”, el a bisa.

Bou di hende lokal:

Mas interes pa krema bestia di kas

KRALENDIJK- “Kisas bo ta keda straña pero tin mas i mas hende lokal ku ta krema nan bestia di kas”, Rene Sedney ta bisa den un kombersashon ku reportero di BONERIANO. E ta un di e propietarionan di kas funerario Consuelo Memorial.

Tin ku remarká ku espesialmente oropeonan ta hasi uso di e servisio aki aunke nos hendenan tambe ta akudí na e kas funerario pa e servisio aki.

Nan ta ofresé e servisio di kremashon di bestia di kas. Sedney ta splika ku nan ta konsiente di e nesesidat aki. “Nos ta 24 ora disponibel, nos ta ofresé e servisio aki pa e totalidat. Nos ta konsiente di e nese-



sidat aki pero pa ta sinsero, nos no tin masha ganashi ku e servisio aki.” E ta splika ku pa krema un kachó chikí ta kosta alrededor di 200 dòler. Pa un bestia mas grandi mester paga entre 300 i 350 dòler. Pa krema

un bestia di kas ta usa basta volúmen di gas i supervishon di e operadó.

Kontrali ku despedida di hende, e kremashon di bestia ta bai mas simpel. “E ta bai riba sentimentu. Den mayoria kaso e persona òf

personanan a rou e pèrdida di nan bestia di kas kaba. Tin bia ta difisil pa distinguí e nesesidat. Si e persona mester di mas tempu nos ta lag'e den e sala chikí òf bai den kombersashon kuné”, Sendey ta amplia.

BONEIRU DEN SHÒK

KRALENDIJK – “Si-
man ku a pasa a shòk Bonei-
ru di loke a bini dilanti den
reunion di Konseho Insular
tokante BonLab i e artíkulo
di Follow the Money, rela-
shoná ku funshonamentu di
gezaghebber. Tokante Bon-
Lab, e reunion tabata turbu-

lento i mi a keda straña di
e petishon di presidente di
AFBW pa no hasi polítika
ku e problema di BonLab,
pero yega na un solushon,”
Arthur Sealy ta skirbi den
su komentario semanal.

Sealy ta skirbi, den Kon-
seho Insular ta polítika

mester hasi pa kontrolá e
atministrashon di Bonaire
i pone dede riba e eronan
i haña klaridat kon a laga
e asunto di BonLab drumi
tantu asina. Awor ke bai
kore traha komishon ku e
intenshon pa gasta plaka
bai Hulanda. Ta warda te

dia diesshete, awor bo ta lat
ainda sigui warda dia pasa
pa reuní pa traha strategia
kon pa musta Hulanda ku
BonLab mester risibí un
kontrato di kuido pa sigur
sinku aña i despues evaluá.
E kos aki ta un bòftá den
kara di trahadó i pueblo
ku ta hasi uso di BonLab.
No ta na nodi bai Hulanda
gasta plaka kaminda den
tempu moderno por zoom.
Parse ku ta un bon oportun-
idat pa riba lomba di pue-
blo bai Hulanda pa bai hasi
kompra na Primark i keiru.

Tabata despues ku kon-
sehal Abraham a pone pre-
shon, diputado di salubridat
ke manda tur dokumentu
ku mashá ten mester a

yega Konseho Insular, se-
gun Sealy.

Pa loke ta trata e asunto
di ‘Follow the Money’, di
akuerso ku Sealy, a pone un
dede grandi riba funshona-
mentu di periodismo na
Boneiru. Nos periodistanan
no por a hasi e trabou akí
sabiendo ku nan komo peri-
odista tabata na altura di tur
loke ta pasa na Boneiru. In-
vestigashon ophetivo i verí-
diko ta keda un punto debil,
apesar di siman di perio-
dismo, riba tereno periodí-
stiko. No diskutí solamente
e kaso di gezaghebber so,
pero sea madures i diskutí
tambe kon crítico prensa ta
na Boneiru, òf no por mishi
ku e kas sagrado akí.

Abraham ta kuestioná diputado Kroon

Falta di slepwei a pone ku boto a kibra

KRALENDIJK – Lider
di Frakshon di Partido De-
mokrat den Konseho Insu-
lar, Clark Abraham, durante
reunion di Konseho Insular
djaweps anochi, a kues-
tioná e forma kon diputado
James Kroon ta atendé ku
piskadónan di Playa Frans.
Pa falta di slepwei un kan-
tidat di boto a kibra durante
mal tempu resientemente.

Abraham a bisa diputado

Kroon a laga kita slepwei
na Playa Frans loke a trese
kuné ku piskadónan no por
hala nan boto durante mal
tempu. E slepwei na Playa
Frans ta e úniko slepwei ku
piskadónan di Rincon tin
akseso na dje. Por lo ménos
sinku boto a kibra na Playa
Frans poko dia pasá debí na
mal tempu.

Abraham ta puntra, kiko
ta bai hasi pa kompensá e

piskadónan ku pa falta di
gobièrnu no por a saka nan
boto.

Diputado Kroon di su
parti kontestando pregunta
di Abraham, a indiká ku
ningun momentu gobièrnu
a kita niun slepwei na Pla-
ya Frans. Dor di e nesesí-
dat di un slepwei na òrdu,
gobièrnu den koperashon
ku PISKABON, a palabrá
di bai traha sinku slepwei

na Boneiru. PISKABON,
di akuerso ku diputado
Kroon, a pidi oferta i a tra-
ha un plan pa por ehekutá
esaki huntu ku gobièrnu.
Banda di esaki, tin dos mo-
shon ku a aseptá pa traha
slepwei.

Pero pa hasi esaki Ko-
legio Ehekutivo tin mester
di fondo adishonal. Na e
momentu akí R&O ta pre-
parando un plan pa ehekutá

esakinan.

Durante bishita resien na
Playa Frans, segun e diputa-
do, a papia tokante slepwei
i te asta e pensamentu di e
piskadónan ta pa bini ku un
tipo di waf flotante. Mester
bisa ku a tuma esakinan na
konsiderashon i a tene kuen-
ta na momentu ku Konse-
ho Insular aprobá e 300 mil
dòler, e ora ei por ehekutá e
proyektonan.

Apesar ku e muhé tambe ta batié:

Korte ta kondená hòmbler pa violensia doméstiko

KRALENDIJK – “Apa-
rentemente e pareha aki
a disidí pa trata otro di e
manera aki. Mi ta puntra
mi mes dikun e señora a
hasi denunsia”, fiskal mr.
Teengs-Gerritsen ta bisa
durante su rekisitorio riba
djaweps 29 di sèptèmber
2022. Korte den Promé
Instansia a atendé e kaso
penal kontra e hòmbler El-
ton C. Ministerio Públiko
(OM) ta akusé di a mal-
tratá i menasá su kasá.

E sospechoso no a pre-
sentá den sala di korte i
su abogado mr. Anthony

Nicolaas a represent’é.

Hues mr. Carmelia a
atendé e kaso miéntas
mr. Marsera a fungi komo
griffier.

E situashon

Fiskal a splika ku ta tra-
ta di un relashon basta in-
trankil mirando ku violen-
sia doméstiko ta tuma lugá.
“E sospechoso a deklará
na polis ku maltrato verbal
a sosodé pero nunca mal-
trato físiko”, e ta splika.
Mr. Teengs-Gerritsen ta
agregá ku e ta haña e kaso
aki kompliká apesar ku p’e,

e akusashon di maltrato ta
probá. Den e dosié penal
tabatin potret riba kua por
mira leshon na kurpa di e
denunsiante.

Pa abogado mr. Nicolaas
mester apsolvé su kliente
di tur akusashon. “Al kon-
trario, ta e hòmbler ta e vík-
tima. Su muhé tin Border-
line Disorder, i e hòmbler
mester biba ku e situashon
aki. E ta bin di un famia
di polis, e tin sierto norma
i balor i nunca lo dal un
muhé”, e ta bisa. Segun e
abogado e leshon ku tabatin
na kurpa di e denunsiante ta

pasombra e pareha a lucha
ku otro. “Kos a eskalá pa-
sombra e muhé a usa sèn
pa bai drecha kurpa. Nunka
mi kliente a maltrat’é”, e ta
enfatisá.

Segun e abogado e dama
enkuestion, pues e denunsi-
ante no ta pará tras di su de-
nunsia. Aparentemente nan
relashon ta bai bon.

Demanda i kondena

Fiskal a splika ku mes-
ter a atendé e kaso aki for
di 2020 pero a pospon’é
pa diferente motibu. No
opstante ku e relashon ta

kompliká i ku e dama no ta
pará tras di su denunsia, pa
OM e akusashon di maltra-
to ta probá. Ministerio Púb-
liko ta demandá un kastigu
di prizòn kompletamente
kondishonal di 2 luna ku un
periodo di prueba di 2 aña.

Hues a haña e akusashon
legalmente i konvinsente-
mente probá. “Ban spera ku
e relashon aki lo bai bon.
Mi ta spera ku nan lo haña
un solushon”, mr. Camelia
ta bisa. Korte den Promé
Instansia a kondena Elton
C. segun demanda di Mi-
nisterio Públiko.

Clark Abraham:

Menospresio kalidat di kaminda

KRALENDIJK — Tin 18.7 mion riba presupuesto pa asfaltá karetera. Por tuma nota ku no ta drecha kaya, pero ta pone un kapa. Ke pretendé di kantidat promé ku elekshon, pero ta menospresia e kalidat. Un siman despues ku kaba drecha ta kòrta, ta pasa pipa i kabel, despues ku basha asfalt, segun Clark Abraham, lider di Frakshon di Partido Demokrat den Konseho Insular.

Abraham: “Diputado ta bisa ta ehekutando, pero awor ta bai traha un plan. Riba presupuesto di Boneiru tin 19.7 mion i ta Konseho Insular ta stipulá presupuesto, pero diputado

ta bisa e no ta interesá unda ta pone e sèn i kua kaya ta prioridat. Diputado ta papia di plan di mas aña, den presupuesto ta pará ku plan di mas aña ta di 2020 pa 2023. Momentu ku diputado ta bisa ku ta hinka tantu mion pa drecha un kaya temporal, mi ta kere Konseho Insular mester sa pa por husga pa sí ta hañ’é bal la pena pa drecha un kaya temporalmente.”

Diputado James Kroon reakshonando riba e deklarashon di Abraham durante reunion resien di Konseho Insular, a bisa for di 2018 den e akuerdo di gobernashon a palabrá kon ta bai hasi ku drechamentu

di kaya. Pa bisa ku ta gewon ta kita i drecha esei no ta kontu. Pa loke ta trata kayanan na Republiek, a pasa e promé kapa, pasobra WEB mester a pasa pipa ku no a yega na tempu, pero mirando ku tabatin hopi buraku a pone e promé kapa i poko poko ta sigui bai.

Diputado Kroon a sigui bisa, tin un tim hóben ku ta traha inkansablemente pa drecha e kamindanan. Tin e parti di rekonstrukshon di kaminda ku ta partí den e parti di mantenshon chikitu i grandi. Mester drecha e kamindanan prinsipal pa di tal forma por desvia e tráfiكو pa sigui despues bai den bario. Sí sigui ku

e plan, aki poko tempu tur kaminda tin asfalt i klenku.

Den e plan di mas aña di 2018 pa 2023, a reservá 16.5 mion dòler di kua 9.5 a invertí i di 2022 pa 2023, ta bai sigui invertí e sobrá. Tin un plan ku ta datá di 2023 pa 2027 i ta manda e plan

akí pa e siguiente reunion, segun diputado Kroon.

Pa loke ta trata e mantenshonnan grandi, diputado Kroon a bisa ta kita e kapa bieu i poko poko ta bai traha den banda di e kaminda i ora tin e bandanan kla, ta pasa e kapa final.

BONEIRU MESTER DI BO!


Fundashon Históriko Kultural Boneriano



ta buskando boluntario pa yuda salvaguardiá nos patrimonio kultural-históriko tangibel i intangibel.

Trabou ku tin pa hasi:

- Selektá i archivá dokumento
- Digitalisá foto, oudio i imágen
- Ordená i registrá artefakto
- Identifiká persona, suseso, sitio etc. riba foto
- Hasi entrevista pa Herensia i programanan kultural
- I hopi mas trabou.....



Tin trabou ku por hasi na kas tambe. Tuma kontakto ku FuHiKuBo na e-mail fuhikubo@gmail.com òf app (por yama tambe) na telefòn 795-0020.



ENTIDAD PÚBLIKO
BONEIRU



PARTISIPASHON

Direktorado Planifikashon i Desaroyo (R&O) di Entidad Públiko Boneiru ta partisipá ku ta sera Kaya Soeur Bartola parsialmente enkonekshon ku trabounan di reparashon.

Dia: djáron 5 di òktober te ku 16 di desèmber 2022.

Ta pidi komunidad di Boneiru y tur outomobilista en partikular pa sigui e rutan alternativo ku ta indiká ku bòrchinan.

Direktor di direktorado Planifikashon i Desaroyo
Ing. Marlon Martina, MBA



Gemeenschappelijk
Hof van Justitie

BEKENDMAKING

De Griffier van het Gerecht in Eerste Aanleg van Bonaire, Sint Eustatius en Saba, zittingsplaats Bonaire, maakt bekend dat op een verzoek ex artikel 3:200a van het Burgerlijk Wetboek BES van **Romulo Antonius Hose Marchena** op 28 september 2022 een beschikking is gegeven over twee percelen grond gelegen te Playa in Bonaire kadastraal bekend afdeling 4, sectie D, nummer 581, groot 726 m² (erf) en afdeling 4, sectie D, nummer 582, groot 537m² (bouwterrein), sinds 1905 geregistreerd op naam van Antonius Marchena, geboren op Bonaire op 3 september 1864 en overleden op Bonaire op 1 mei 1943.

Bij deze beschikking is machtiging verleend tot verkoop en levering van deze percelen ten behoeve van de deelgenoten en zijn de nalatenschappen van Antonius Marchena en zijn echtgenote verdeeld, waarbij ter waarborging van de aanspraken van de niet-verschenen deelgenoten is bepaald dat een deel van de (netto-)verkoopopbrengst gedurende een bepaalde periode voor hen wordt gereserveerd.

De volledige uitspraak is te vinden op www.gemhofvanjustitie.org (onder uitspraken/oude boedels).

Bonaire,

Chon Theodora ta bolbe subi lista MPB

KRALENDIJK -- Chon Theodora ta bolbe subi lista di MPB i ta preparando pa partisipá na elekshon di Konseho Insular na mart 2023.

Theodora a nase na Boneiru den e bario di Antriol Pariba komo e yu mas chikí di Clara Theodora-Statie i Ròbu Theodora.

Ku 5 aña el a bai biba Kòrsou ku su mayornan hasiendo su estudionan ku éksito. Pero tòg su promé trabou tabata na Boneiru pa Radio Nederland Wereld Omroep. Despues e ta regresá Kòrsou pa drenta enseñansa komo dosente, pa 38 aña despues regresá Boneiru komo penshonado.

Kontribushon

Na Boneiru Theodora a kontribuí pa un periodo di tres aña ku enseñansa na SGB, pa despues sigui solamente ku aktividatnan boluntario manera entre otro entrevistadó pa Fundashon Histórikiko Kultural Boneriano (FUHIKUBO), kaminda e ta yuda reskatá nos balornan histórikiko kultural. Ko-presentadó di e programa radial Beku, sostenedó di komishon Luna Yen, sekretario di Vereniging AOV-Belangen Curaçao (VAC), pa medio di kua mester a sali na defensa di penshonadonan, pa restablesé nan penshon di behes fo'i Kòrsou conforme lei.

Tambe Theodora ta

yuda entretené nos grandinan den forma musikal, e ta miembro di grupo musikal Villa ta Kanta, miembro di organisashon Man on the Move, miembro di direktiva di Movementu di Pueblo Boneriano, miembro di Dialooggroep Slaver nijverleden.

Theodora ta un hende ku no por para ketu i ta gusta kore baikel, kana, landa, pero su pashon ta den música, kultura i historia. Den Antriol Pariba el a restourá kas di su mayornan kaminada el a nase konvirtiendose esaki den un museo chikí ku yama Mi Kuna.

Kapasidat

Tokante su embolbimentu ku política, Theodora ta

komentá: “Nunka mi a pensa di drenta política, sino te ora ku mi a yega Boneiru i mira kon e pueblo tabata anhelá pa un kambio den e sistema antikuá di hiba política.

Mi a tuma mi desishon liber pa drenta MPB na 2019, pasobra pa mi esaki ta e úniko organisashon polítiko ku tabatin e kapasidat pa por kontribuí positivamente ku desaroyo di Boneiru. Para na banda reklamá sin bini ku alternativa konkreto, no ta mi estilo. P’esei mi ke kontribuí pa yega na un pueblo bon formá i eduká, kaminda ta lanta lidernan nobo bon prepará pa tuma rienda di nos dushi Boneiru.

Solamente un pueblo bon formá por opiná i tuma desishon di un manera sano pa adelanto di su isla stimá.

Theodora ta di opinion ku MPB ta e úniko partido polítiko ku no solamente ta pèrkurá pa lidernan ta kapasidat pa por sirbi komo gobernante, pero tambe pa hiba un política sivilisá. E ta sigur ku e tambe por yuda karga e vishon di MPB, pa yega na un Boneiru ku por ofresé kada siudadano oportunidat hustu pa sigui progresá den bida. Boneiru mester di nos, ban yuda ku su desaroyo.

Theodora su mensahe ta: “Ban pa un Boneiru ku lidernan nobo, konfiabel i ku kapasidat pa goberná.”

Narochi Th. kondená na 4 aña di prizòn

KRALENDIJK/WILLEMSTAD -- E kaso di Genaro Th. alias Narochi, nasé na Boneiru di 64 aña di edat, a yega na su punto di kulminashon na momentu ku hues mr. G. Verbeek a dikta sentensia, kondenando e sospechoso na 4 aña di kastigu di prizòn. Ta trata aki di violashon di lei di droga, transakshon di 176 kilo di kokaina i poseshon di arma di kandela, durante e periodo 10 di ougùstùs 2019 òf en todo kaso durante luna di ougùstùs 2019.

Abogadonan mr. Eldon ‘Peppie’ Sulvaran i mr. Atena Sulvaran, den defensa di Thodé, a insistí ku e detenshon tabata inkorekto, komo tal mester a konsiderá e akusashonnan di Ministerio Públiko inválido.

Proseso no hustu

A violá reglanan fun-

damental den e proseso di investigashon, segun e abogadonan, di manera ku no por papia di un proseso hustu, ni korekto. A hasi uzo di militarnan pa buska den kas di e sospechosonan, loke no tabatin un base hurídiko. Na Kòrsou for di aña 1996 no por hasi uzo di militar pa hasi e tipo di investigashonnan akí, komo tal militarnan no tin ningun outoridat reglamentario pa persiguishon asina.

Tambe segun e abogadonan, Thodé durante su interrogashon na Aruba no tabatin asistensia hurídiko tampoko, anto asina ei a faya di forma flagrante ku otro prinsipio esensial den e proseso versus di sospechoso i òf detenidonan pa un krimen.

Kulpabel

Korte sinembargo a

konkluí ku ningun di e opheshonnan di e abogadonan ku lo no a aktua hustu i korekto versus di Thodé, no tin base. Pa Korte a keda sufisientemente proba ku dia 10 di ougùstùs 2019 Thodé debidamente a hasi su mes kulpabel na trafikashon di droga i ku e mesun fecha menshoná e tabata den poseshon di arma di kandela.

Hues a referí na prosès-verbalnan traha di resultadonan di buelonan ku a hasi ku un DASH-8 ku a filma e suseso na Playa Daaibooi i aki klaramente por a mira un yola yega na e playa i ku ei tabatin un pikòp kla pará ta warda i na sierto momento tres persona a kana bai na e yola hisa un karga grandi bai pone den e pikòp i despues a kore drenta un kurá na Jan Cok 35B, pertenesiendo na famia

Yeung.

Enfin ampliamente e prosès-verbalnan a kontinuá, referiendo na partisipashon aktivo di Thodé den e aktonan kastigabel kometé i pa kua e ta den sala di korte, dilanti di hues.

Prueba

E kritika di e abogadonan ku na Aruba no a aktua segun regla ku Thodé, tambe Korte a desbaratá. Mas aleu a uza komo prueba materialnan di tapmentu di e telefòn ku kombersashonnan ku e sospechoso a tene ku e otronan metí den e susesonan menshoná, ta kombersashonnan ku segun Ministerio Públiko, ta inkriminá Thodé.

E akusado ta esun ku mester a sòru pa e droga keda skondí i no kai den man di outoridatnan i durante e kombersashonnan

na telefòn ta tende Thodé bisa klaramente ku e trabounan ta di mas pe, ku e no por hasi tur kos, ku e tin hamber i ku ta awa so el a bebe i ku durante e tabata skondí den mondi ni sikiera e por a baña su kurpa.

Finalmente a sigui referensia di Ministerio Públiko, kaminda den e interrogashonnan ku a sigui na sierto momento Thodé ta rekonosé di ta metí, pero e kosnan ku outoridatnan a hañ’é kuné, droga ni arma di kandela, no ta di dje. Komo tal hues a haña probá ku Thodé den e kaso aki a yuda den transportashon di e droga i e armanan di kandela.

E sentensia ku hues mr. Verbeek a dikta kontra di e akusado ta un kastigu di prizòn di 4 aña, kitando e periodo ku el a pasa den aresto preventivo.

Sientífikonan ta deskubrí vírùs nobo ku parse COVID-19

K R A L E N D I J K - Sientífikonan na Rusia a deskubrí un vírùs nobo ku tin mesun karakteristikanan ku corona vírùs. E wèpsait verídiko www.sciencealert.com a publiká un relato amplio tokante e deskubrimentu basta alarmante aki. Ta trata di un vírùs ku nan a deskubrí den raton di anochi.

BONERIANO komo medio di komunikashon responsabel a tuma kontakto ku Departamento di Salubridat Públiko tokante

e desaroyo alarmante aki. “Ta un investigashon so a trese esaki na kla, pues ainda nos no ta hasi nada ku e resultado aki”, dòkter Bert Wolters ta splika.

Preokupante

Sientífikonan a duna e vírùs aki e nòmber Khoshta-2 i por konsider’é un vírùs respiratorio. E manera ku e vírùs aki ta afektá e kurpa humano ta kasi igual ku COVID-19. Preokupante ta echo ku bakuna kontra COVID-19 no tin

influenzia riba Khoshta-2.

Te na e momentu aki sientífikonan ta vigilá e vírùs den laboratorio. Ainda no ta klaro ku e vírùs por pasa di raton di anochi pa hende, den mundu real. Sí, nan ta enfatisá ku ta un situashon krítiko i ku mes-ter aktua lihé.

Resistente pa bakuna

Un di e puntonan alarmante ta e echo ku e vírùs nobo aki ta resistente pa antikurpa ku ta den e bakuna di COVID-19. Pues por

konkluí ku tin un vírùs ku mesun karakteristikanan di COVID-19 pero, resistente na e bakuna. Sientífikonan ta urgi pa traha riba un bakuna, pa evitá ku mundu lo bolbe hañ’e ku un pandemia.

Ainda Boneiru no ta preokupá

Segun dòkter Wolters mundialmente ta hasi vários investigashon na tur klase di vírùs i enfermedat di bestia. “N’e momentu aki e topiko di Covid ta

un ‘hot item’, pues ta hasi hopi investigashon pa wak kon lihé vírùs di bestia por pasa riba hende.” Apesar ku e resultado di e investigashon ta publiká riba un wèpsait verídiko di sensia, pa Departamento di Salubridat Públiko no tin motibu pa alarmá. “Miéntas RIVM i CDC no menshoná esaki, nos no ta preokupá.” RIVM ta Instituto di Estado pa Salubridat Públiko i Medio Ambiente na Hulanda i CDC ta Sentro di Kontròl di Malesa na Merka.

Programanan di Bonaire.tv

TELBO kanal 70
Flamingo TV kanal 23



Djamar 4 òktober 2022

12.00 Herensia Aruba:
13.00 Aki Boneiru:

14.00 Herensia:
15.00 BAPA:

16.00 Aktualidat:
17.00 Aki Boneiru:
18.00 Herensia:
19.00 Sitionan

20.00 Herensia:
21.00 Aki Boneiru:

22.00 Herensia Korsou:
23.30 Puerto Latino:

Theo Zievinger
Stinapa Green House den kura di FCB
Olimpiada Grandinan
Minarienne Pikerie

Al Catalfumo & Michael Obersi
Joop van der Linden
Maria Goeloe
Marka: Oranje pan

Thelma de Palm
Presentashon musikal
Skol Amplio Papa Cornes
Brunehilda (Bunchi) Romer
Luis Zárraga

**Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.**

KARAKTERÍSTIKANAN DI DIOS

Bo ke siña konosé Dios mas di aserka? Su Palabra mes ta siña nos Ken E ta i Kon Su Karakter ta. Mas bo konosé Dios, mas bo stimashon p’E ta krese i mas lo bo ke obedes’E.

Atributo di Dios:

Miserikòrdioso = Dios no ta duna nos loke nos meresé - SEÑOR ta yen di

kompanhon i gracia, Kende no ta rabia lihé, i ta abundá den miseriòrdia. Salmo 103:8(BS), Ma Dios, siendo riku den miseriòrdia, pa motibu di Su gran amor ku kual El a stima nos, Efesionan 2:4(BS)

Inmutabel = Dios no ta kambia - "Pasobra Ami, SEÑOR, no ta kambia; pesei boso, O yu hòmbenan di Jakòb, no a wòrdu destruí. Malakias 3:6(BS), Jesu-Cristo ta meskos ayera i awe i pa semper. Hebreonan 13:8(BS) Santu = Dios ta puru i sin piká - Halsá SEÑOR nos Dios, i adorá na Su seru santu, pasobra SEÑOR nos Dios ta santu. Salmo 99:9(BS), pasobra ta pará skirbí: "Boso lo ta santu, pasobra Ami ta santu." 1 Pedro 1:16(BS)

No tin ningun otro dios ku por kompará su mes ku E Dios bibu. Tuma tempu reflehá riba Su Persona i sigur lo bo keda bendishoná i enkurashá pa kontinuá padilanti apesar di tur e prueba i luchanan sabiendo ken bo Dios ta i kiko E so por hasi.

Bo ta stima Dios di bèrdat? Obedes’E!


Gilda Beukenboom-Sintjago

Produkshon PGM

MONCHI & TONCHI

Tonchi, awe ta dia di bestia. Tur bestia ta bonbiní na misa serka pastor. Nos ta ban?

Awèl si, ma mira nos kaba sinta den misa mei mei di tur e kachó, pushi i fariseonan.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

DI BINTISHETE DJADUMINGU SIKLO C

Promé Lektura : *Habakkuk 1, 2-3, 2, 2-4*
Salmo : *Salmo 95, 1-2. 6-9*
Di dos Lektura : *2Timoteo 1, 6-8. 13-14*
Evangelio : *Lukas 17, 5-10*

Ora Cristóbal Colon a hasi e preparativonan pa e deskubrimentu di Amérika, hopi tabata pensa ku e tabata un soñadó i un aventurero. Su plannan tabata parse absurdo na su kontemporáneonan. Difiktatnan ku a presentá tabata inmenso. Pero e gran almirante genoves nunca a deskurashá, ni a stòp di lucha pa realisá su plannan. E tabata un marinero di gran eksperiensia i firmesa, pero e tabata tambe un hòmbler profundamente religioso. Su fe den Dios tabata pe, na tur momento, fuente di speransa i fortaleza spiritual. I ta p'esei e tabata por a perseverá den su empeño i vense tur opstákulo. Ku yudansa di Dios, manera E mes ta bisa, El a realisá deskubrimentu di e Mundu Nobo. Un dia memorabel, riba 12 di òktober 1492, Amérika a ser deskubrí pa Cristóbal Colon.

En bèrdat, rumannan, fe ta una forza poderoso ku ta sostené nos den difiktatnan i ta yuda nos pa realisá akshonnan atmirabel den e bida aki. Opheto di nos fe por ta un ideal, un persona òf un institushon. Tin fe den algu òf den un persona ta fuente di energia i speransa. Ora di bèrdat nos tin fe den algu o den un persona, nos ta dispuesto pa hasi sakrifisio grandi i nos por realisá kosnan atmirabel. Esaki ta partikularmente bèrdat ora ta trata di un fe outéntiko den Dios.

Manera profeta Habakkuk

ta bisa den e promé lektura di e misa di awe: “Ta hustu biba pa bo fidelidat”. Nada ni ningun hende lo por vense-BO: ni frakaso, ni akshon kontrali i inhustisia di hende, ni malesa, ni katástrofe. E hende berdaderamente religioso no ta lag'è ser guiá pa desesperashon i falta di kurashi, pasobra e ta haña den Dios forsa i konsuelo den sufrimentu i speransa di liberashon. Hende di Dios tin grasia sobrenatural pa sufri ku speransa i pa sigui lucha ku perseveransha i amor te ora ku vense difiktatnan i alkansá salbashon.

Religion no ta e opio di pueblo, manera nan a bisa. Kompletamente kontrali. Fe den Dios ta un forza di bida i di progreso. Espesialmente kristianismo ta un fermento di regenerashon i progreso den mundu. Kristu a bini na mundu pa trese un mensahe di salbamentu pa hinter humanidat. E evangelio tin eksigensianan radikal i mester move kristianan pa kombati piká i inhustisianan sosial.

Pa desgrasia, tin hopi kristian fofo ku no ta duna testimonio di nan fe religioso. Ta p'esei tin tantu maldat i inhustisia den nos sosiedatnan. Ta urgente promové e renobashon religioso di e pueblo di Dios, di akuerdo ku loke ta postulé den evangelio pa por ehersé evangelisá – shon den sosiedat i establese e reino di Dios entre nos. Pa esaki ta nesario ku kada un di nos



ta biba e evangelio ku integridat i balentia. No ta basta pa ta piadoso, resa rosario o tene algun nobena. Nos tur mester ta apòstel i repartí e mensahe di Kristu. Ta nesario ku kada un di nos ta un militante di fe, oponiendo nos mes na forsa di maldat i promoviendo hustisia i pas den nòmber di Dios. Mester defendé e libertat religioso i derechinan humano. Komo miembronan di e pueblo di Dios, nos tin ku vigilá tambe e puresa di nos fe kristian, leu di e superstishonnan religioso.

E kristian fiel no por keda den silencio dilanti piká i inhustisia sosial. Manera San Pablo ta bisa den e di dos lektura di e misa di awe: “Dios no a duna nos un spiritu di kobardia, sino un spiritu di energia, amor i bon huisio. Ke men, no tene bèrgwensa di testiguá na fabor di

gun forsa ku Dios a dunabo”.

Rumannan, e apòstolnan a bisa Señor: “Hasi nos fe mas grandi”. Hesus a kontestá nan bisando: “Si boso fe tabata mes grandi ku un pipita di mòster, boso lo a bisa e palu grandi akí: ‘Sali for di tera aki ku rais ku tur i planta bo mes den laman i e palu lo a tende di boso’”. Mediante e figura literario akí, Hesus ta siña nos ku no ta sufisiente kere simplemente den dògma i presep-tonan, sino ku ta nesario bai paden hinka den nos kurason e spiritu di fe, ku ta un forza tremendo ku kapasidat di transformá hende i sosiedat. Fe kristian no ta simpel sigui-mentu òf kreensha den dògmanan apstrakto. Fe kristian ta un don di Dios, un revelashon dibino ku tin ku ser aseptá i bibá pa medio di hende. Den e sentido akí, fe kristian ta un forma di bida superior. E fe kristian akí no por ser midí i hibá den forma friu manera un kos eksterno òf manera un adorno. Por konos'è únika-mente internamente i bib'è den kurason. Fe kristian asina bibá ta manera e atom, ku tin den dje un energia espektakular. Fe kristian, en bèrdat, ta hasi milager. Ta e úniko fe ku por salba hende i sosiedat.

Rumannan, nos komo kristian ta yamá pa hasi kosnan atmirabel ku yudansa di Dios, moví pa medio di FE. Pero nos mester aktua semper ku spiritu di humildat, perkurando hasi tur kos bon pa mayor gloria di Dios. Apesar di nos

limitashon i pikánan, nos por hasi kosnan atmirabel si nos biba nos fe kristian ku integridat i amor. Nos por biba di forma santu i hasi kosnan grandi ku yudansa di Dios. Pero nos mester hasi tur kos ku simpleza i humildat, manera Hesus ta siña nos. Rumannan ku Dios libra nos di banidat i soberbia spiritual. No laga nos nunca buska atmirashon i aplousu di hende i si algun be nan alabá nos, laga nos bisa manera Hesus ta bisa den e evangelio: “Nos ta kriánan pover. Nos ta djis kumpli ku nos deber”.

Awe na ora di ofresé e santa eukaristia i risibí Hesus sakramentá den nos kurason, laga nos pidi Dios pa nos por biba nos fe ku integridat i kolaborá ku humildat na evangelisashon di mundu.

INVITASHON



Un invitashon na bo pa bin
resa rosario

Fecha : 2 òktober 2022
Ora : 6:00 pm
Lugá : Seru di Orashon

Mama Maria ta warda bo!
Kòrsou tin mester di bo
orashon

NOBENA I TRIDUO NA HONOR DI LA BIRGEN
DI ROSARIO



INVITASHON

• Nobena ta kuminsá dia 28 di
Sèptèmber te ku 6 di Òktober
6or pm. Triduo 4 - 5 i 6 di
Òktober 2022.

Selebrashon Fiesta Patronal
dia 7 di Òktober 6.30 pm.



Pa: Rudy Domacassé

Landamentu no ta modelahe

Landamentu no ta modelahe. Tin hende ta haña ku mester ta asina. Ku bo mester tin paña i kèts di último moda pa bai laman. Ami no ta pensa asina. Mi ta práktiko, ekonómiko, ta resiklá i ta usa tur loke mi tin te na último.

Awe tabatin reklamo riba e kèts aki ku mi ta bisti. Un kèts ku su temporada di ténis a pasa, pero ku ketu bai ta sirbi pa mi kana 100 meter bai laman i regresá kas.

Nò, mi no ta modelo i mi no tin ningun hende di komplasé ku loke mi ta pone na mi pia.



Gritu den laman

Nos tabata landa dushi asina awe mainta dilanti di Parke Tului. Direpente un gritu: "Tribooooooooon." Esun ku a saka e gritu, a ranka bai tera. Mi no por a rekonos'é. Su koló a kambia totalmente.

Otronan naturalmente a bira kouteloso. Un di nos ku dùikbrel a hala serka pa mira bou di awa. Un harí riba su kara. Ta un sèrbètè skur tabata drif den laman.



Boto di regalo pa FKPD

Mira kiko Alfred a regalá e grupo di FKPD akí, un bolo di kashupete. Anto mi gusta bolo di kashupete. Ta kon e por a hasi algu asina?

Mi sa ku mi no por hasi e tipo di weganan akí. Ta peligroso, pasobra entre mi kerido lesadónan aki, ku kiko mi bisa awor (djis lesa e komentarionan ku ta bini aki bou), ku tin hopi hende ta pensa ku ta den serio mi ta papia, ku mi ta egoista i no ke e grupo aki bon. Al kontrario.

Ku énfasis mi ta bisa ku henter mi kurason ku mi ta hopi kontentu pa e grupo akí. Si kualke momentu nos por hasi algu igual, ku henter nos kurason, ku hopi plaser, sin kore pa ningun esfuerso, nos lo hasi esaki.



Desaster den kas

Ayera nochí, mi a tene mi kurason i stòp di hala rosea un ratu. Un zonido duru den kushina. Sintá na mi ofisina, mi wowonan a keda klabá den direkshon di kushina. Direpente mi a mira un plachi di plafòn ta bini abou, mas zonido duru.

Ayera a parse ku dak ta lèk, mainta mi a mira ku ta basha awa tabata basha for di dak, asina dos buraku grandi.

Mi ta kere ku e burakunan aki ta bin di un diablito ku ta kana rònt. Vários biá

den pasado, zonido dugá tabata riba dak a lantá mi benta piedra òf for di soño. baranka riba mi



Un hende den mar-dak. Konsekuen-sia tabata ku mi a pèrdè un kòm-piuter pa motibu ku awa tabata lèk nèt riba dje. Mi no tabata sa di e bu-rakunan aki den kushina. Mester ta un hende ku tin basta rabia riba mi, òf un loko ku ta kana rònt.



Kara Bunita

Ora nos ta sinta un ratu kòmbersá despues di ehersisio pisá den laman, nos ta mira outo ta pasa, tambe baiskel i hende ta kana. Den nan, hopi kara bunita.

Awe tin unu a pasa, el a para un ratu. Djis un ratu nos por a kòmbersá. El a keda di pasa buská mi un di e dianan akí.

Un tempu pasá ei, a pasa unu, e tin e sonrisa di mas bunita na mundu. El a pasa un di dos biá. Ta ami e ke a chèk? Mi no a mir'é mas. Lástima.

Tabatin unu tambe, ku un mirada, un mirada ku bo no mester mira ora bo ta kome òf bebe, bo ta choka. Señorita, ki dia bo ta pasa atrobe? I tin unu ku no tin fin di pasa. Bon, ta ki dia awor?

Den nan tur ei, tin unu, ku ora e pasa, ta kargá mi ku energia, duná mi kana di saka un kareda, kore pas'é na kaminda, para dilanti di su outo, i bis'é



Dia famia di kriansa

KRALENDIJK

-- Djasabra a tuma lugá e aktividat organisá pa Zorg en Jeugd Caribisch Nederland (ZJCN), ántes Jeugdzorg en Gezinsvoogdij, ku tur aña ta pone un dia pa famia d kri-

ansa huntu ku nan muchanan. E aktividat akí normalmente ta tuma lugá tur aña na luna di novèmber, pero en konekshon ku otro aktividat planiá pa novèmber e aña akí, a selebrá e fecha

di aktividat djasabra na vèlt di ATC, kaminda famianan i muchanan a pasa un dia kontentu ku deporte, en koperashon ku INDEBON i tambe aktividatnan sosial pa e mayornan. E intenshon di e selebrashon ta pa specialmente pone famia di kriansa den spòtlait pa e bunita trabou, atenshon, kuido i responsabilidad, ku nan ta ehersé ta loke yù-frou Miriela, kordinadó di e proyekto, a splika.



'Duchi' a kumpli 85 aña

Djasabra último riba dia di grandinan, Remigia 'Duchi' Leito a kumpli e bunita edat di 85 aña. Duchi a pasa serka pastor Ivan pa risibí su bendishon. Di parti BONERIANO, masha pabien pa Duchi.

Carrefour B.V.

ta buska

1 Keuken-Assistent

-eksperiens den kushina minimal 1 aña

Pa mas inf. 795-2115


Wu Suquan B.V.

ta buska

kok

-eksperiens den kushina minimal 2 aña

Pa mas inf. 795-2115



Enkuentro sosial empleadonan BCS

Djabièrnè empleadonan di Bonaire Communication Services (BCS), a organisá un enkuentro sosial na Chachacha Bich. Nan a pasa tremendo despues di trabou, tabatin bon kuné i barbekiú.



Pa info i
komunikado den

Extra/ BONERIANO,

USA MAIL:

extrabon@gmail.com

PA AVISO USA MAIL:

avisobon@gmail.com

‘Lac pa Semper’ iniciativa nobo di STINAPA

KRALENDIJK – STINAPA su iniciativa nobo, ‘Lac pa Semper’, tin komo meta pa krea resiliensia dentro di e bahia di Lac pa medio di diferente esfuerso. Na fundeshi di e trabounan akí, ta pará e rangernan di Parke Marino.

Kuminsando for di e luna akí, e rangernan ta

bishitá Lac kada dia pa duna sosten den aktivitat di restorashon di yerba di laman, implementá regla i lei pa bai promové uso duradero i pa duna sosten direkto na habitante lokal i turista bishitando Lac.

Durante luna di sèptèmber, e rangernan a hasi trabou di mantenshon na liña

di buinan prinsipal, ku ta rondoná e kamanan di yerba di laman, pa rekordá e bishitantenan pa no dreña e áreanan akí i trapa riba yerba di laman.

Na novèmber e rangernan lo haña alabes training spesial den aktivitat di instalá i mantené áreanan di restorashon di yerba di

laman, pa sigui ku restorashon di e habitat ensensiblanan akí den futuro.

Sòru pa e siguiente biaha ku bo ta na Lac, bo pasa i para ketu pa tuma tempu pa topa un di rangernan den aktivitat i saludá.

E proyekto akí ta risibí fondo di The Caribbean

OCTs Programme (RESEMBID), un programa di 40 mion euro finansiá pa Union Oropéa i implementá pa Expertise France, ku ta e agensia di koperashon di desaroyo di Fransia.



‘Slash’ den bon kondishon

KRALENDIJK – Na luna di ougùstùs staf di Sea Turtle Conservation Bonaire (STCB) a bai pa wak un turtuga blanku yòn ku herida na e banda drechi di su kara.

Ku ayudo di Kevin i Sharon, kende a reportá e turtuga den problema, a haña e turtuga lihé i a disidí pa no hasi nada na e herida, pasobra e tabata kurando hopi bon.

Fin di siman Kevin i Sharon a regresá waf di Cargill pa un buseo en buska atrobe di e turtuga. “Slash”, e nòmber ku Kevin i Sharon a duna e turtuga, ta bayendo bon.



Awor ta betòn ta basha den mondi



Tanten ku no tin niun tipo di kontrol, ta sigui benta tur tipo di sushi i awor tambe betòn den mondi. Sí no bini ku supervishon i aktua den tipo di kasonan asina, e fenómeno akí ta sigui.

SAN FRANCISCO DI ASIS 4 di Oktober 2022

“Marta, Marta, bo ta preokupá i den tenshon pa hopi kos ...”
(cf Lukas 10,41)

Ku tur su bon intenshon, Marta ta “preokupá i ta den tenshon pa hopi kos ...” (cf Lukas 10,41) Marta ke ta un bon anfitrión pa Hesus, ku ta di bishita serka nan. Pero Maria, ruman di Marta ke probechá di e oportunidat ku Hesus ta serka nan. I Maria ta “kai sinta na pia di Señor pa skucha su palabra.” (cf Lukas 10,41)

Nos tambe ta okupá ku hopi asunto, di trabou, di kas, di famia, di proyektonan personal i komunitario. Pero nos a traha tempu pa skucha palabra di Señor? Nos a traha tempu pa nos mes? Nos a perkurá pa nos tin suficiente tempu di kalidat pa nos nutri nos spiritu, pa nos nutri nos mente ku palabra di Señor?

Señor, mi ta buska Bo, mi alma tin set di Bo. ... yena mi alma ku kuminda di mas riku ... bo palabra ku ta duna bida eterno.
(cf Salmo 63,1.5; Huan 6,68)

1L. Gal 1,13-24; Salmo 139,1-3.13-15; Ev Lukas 10,38-42

005999-522-4056 Un Snehil Pan unsnehilpan

BròKèS 93.5 FM

Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djoni Leoneta +599 786 9091
Maneho atministrativo;
Ethel Leoneta +599 796 9133
email; 93.5boneiru@gmail.com

Skueh'e
Radio BròKèS 93.5 Boneiru

KÒRSOU

Brownbill kontentu ku e trabounan pa e re-apertura di e terminal na Bullenbaai

WILLEMSTAD- Parlamentario pa frakshon di MFK, sr Fergino Brownbill den un komunikado a duna di konosé di ta kontentu ku porfin ta bai tin moveshon atrobe na Bullenbaai.

E ta indiká ku basta ta e trahadónan ku despues ku e kontrakt entre RDK i PDVSA a terminá, esaki a trese un desbalanse den ekonomia.

“Hopi ta e profeshonalnan ku konosementu ku mester a realoká nan mes pa un di e paisnan den reino pa por a sigui generá pa nan famianan. Pero

Gabinte Pisas II a primintí ku e gobernashon aki lo ta di pueblo i huntu ku e pueblo”, Brownbill ta bisa den e komunikado.

28 Di sèptèmber último e barku, petrolero COLON a yega e terminal na Bullenbaai ku un kantidat 600.000 bari di “fuel oil”. Esaki ta nifiká empleo direkto pa 20 èks trahadó di RDK. Banda di e 20 trahadónan ku a risibí trabou bèk Parlamentario Brownbill ta sumamente kontentu ku e vishon a korto plaso ta pa masoménos 100 persona mas risibí trabou na e

terminal aki.

Ta importante pa profeshonalnan i alabes sanger nobo por risibí oportunidat pa por kuminsá produsí pa komunidad. Bastante tabata esnan ku na yùni último a registrá durante di e kampaña pa a inventarisá e kantidat di personal ku e konosementu pa traha riba refinaria i e terminal na Bullenbaai.

Un grupo grandi di esnan ku a registrá durante di e kampaña aki tabata e grupo entre 18 pa 29 aña di edat.

E pregunta ta, kon lo

por sigurá ku e hóbennan tambe ta haña e oportunidat pa empleo i desaroyo riba e tereno aki. E kon-testa ta e “Lei di Bion den bachi nobo”.

Mas aleu segun Brownbill, Promé Minister ya ta kumpliando ku e promesa pa lagarefinaria kuminsá drai bèk. Importante ta komo legisladó pa sòru, pa huntu ku sektor privá, baha e porsentahe di desempleo hubenil.

E lei di bion den bachi nobo lo duna e insentivo nesesario(teniendo kuenta ku e realidatnan aktual)

pa e doñonan di trabou duna oportunidat real pa e hóbennan tambe kuminsá aportá na ekonomia. Frakshon di MFK ta hasiendo tur e esfuersonan pa hasi algun adaptashon na e iniciativa di lei aki, pa e aña aki mes manda esaki den direkshon di e Organo di konseho “RvA”.

Esaki ta e sistema ku tin ku funshoná kaminda ku gobièrnu ta hasi su esfuersonan pa krea trabou i Parlamento komo legisladó mester sòru pa bini ku lei ku ta sòru ku e komunidad por benefisiá for di dje.

Hues ku desishon riba indokumentadonan

WILLEMSTAD – Si-man pasá hues den promé instansia a indiká ku e sirkunstansianan bou di kua ta detené e indokumentado nan den blòk 1, ta pasa e prueba di legalidat i ku e adaptashonnan hasí na e blòk konserní

despues di e sentensia di Korte den promé instansia fechá 14 di yùli ta supstansial, a lo ménos sufisiente supstansial. Durante di konstrukshon di e facilidad nobo pa detenshon di estranhero a apuntá un área separá den Sentro di

Detenshon & Korekshon Kòrsou pa detenshon di strañeronan.

No opstante e limitashonnan den e presupuesto, gobièrnu a logra kumpli ku e kondishonnan básiko ku pa medio di tratadonan internashonal

ta mará na sentronan di detenshon. Por ehèmpel aktividatnan durante di dia, momentonan den airu liber i akomodashon.

Ministerio di Hustisia ta traha duru pa halsa kalidat di e kapasidat di detenshon di strañeronan

indokumentá.

Segun plan e sentro di detenshon nobo ta keda kla promé ku fin di aña.

Ku esaki tur sobrá defektonan pa loke ta trata e kapasidat di detenshon pa strañeronan indokumentá lo keda resolvé.

Minister Janga a reuní ku doñonan di boto den haf

WILLEMSTAD – Resientemente Minister Dorothy Pietersz-Janga a risibí un grupo di komersiante ku tin “ligplaats” na Haf di

Piskadó na Caracasbaai. E bishita aki ta segun palabrashon ku Minister a traha ku e komersiantenan. Den un ambiente ameno e

komersiantenan por a duna nan punto di bista di e medida nan ku ministerio ta tumando pa por trese òrdu bèk na e haf di piskadó.

Relashoná ku e haf Minister ta hibando un asina yamá “standstill beleid” pa huntu ku e usuarionan por implementá e medidanan

di órden na e haf.

No por bini niun boto mas aserka. Den un periodo di 6 luna ministerio huntu ku usuarionan lo implementá e medidanan, monitoriá i evaluá e situashon. Tur boto ta bai haña un ligplaats apuntá. Tur boto òf usuario mester paga lig-

plaats leges òf un tarifa pa uzo di facilidadnan na e haf. Botonan komersial lo bai paga un otro tarifa pa e ligplaats. Lo registrá i otorgá batch pa tur hende ku lo ke subi riba e tereno di e haf. Tambe ministerio lo bin ku tarifa pa botonan por para rekohé hende na e haf.



Aksidente di tráfiko ku morto

WILLEMSTAD -- Djadumingu alredero di 07.33’or Sentral di Polis a risibí notifikashon ku riba Schottegatweg Wèst den yerba kantu di kaminda tin un hòmer drumí i e no ta reakshoná.

Mesora a dirigí unidat polisial na e sitio i nan a topa ku un hòmer drumí

den yerba ku sanger na su kara i no tabata duna señal bida. Tambe polis a haña un baikel kibrá bentá den serkania di e víktima i un pia di kèts riba kaminda. Probablemente un vehíkulo lo a alkansá e siklista i sigui kore.

Dòkter di polis ku a presentá na e sitio a kon-

statá morto di e hòmer, Maurice Orlando Pinnock, nasé na Jamaica 28 di ougùstùs 1970.

Riba òrdu di fiskal di Ministerio Públiko a tuma e kurpa sin bida den beslag pa mas investigashon. Departamento di Tráfiko ta kontinuá ku e investigashon.

KÒRSOU

“Nos-tal-gia” a selebrá dia di grandinan

WILLEMSTAD—Djasabra último a selebrá dia internashonal di grandinan. A selebrá esaki na un di e 25 kasnan di kuido ku tur aña ta disfrutá di Nostalgia.

Esaki ta e proyekto di músika bibu ku ta bai serka grandinan na kasnan di kuido.

Ku sosten di El Tributo

a inisiá e proyekto na 2015. Curacao-Cares, un organisashon na Kòrsou ku su enfoke ta pa inspirá, motivá partisipashon aktivo di komunidat, a haña e tempu ei mandato pa kuminsá ku e proyekto i kordiná esaki. Den koperashon ku diferente kas i institutonan di kuido, ta ehekutá e proyekto i asina grandinan por

disfrutá di entretenimento musikal.

Ya pa algun aña, Fren-sley (Pempy) Lucas, ta pasa tur dia den siman na kasnan di kuido i deleitá e grandinan ku kantikanan di ántes. Ku esaki Lucas no solamente ta entretené e grandinan, pero tambe ta duna e grandi mas konfiansa i stimulá e memoria ku

kantikanan di ántes.

Den e aña tras lomba Pempy a reanudá ku e proyekto manera tabata promé ku pandemia.

“Durante periodo di

corona tabata poko difísil, pero mi ta kontentu ku mi por pasa atrobe serka e grandinan i alegrá nan”, asina Pempy Lucas ta finalisá bisando.



STATIA/SABA/ST. MAARTEN

Selebrashon Dia Internashonal Adulto Mayó



Dia promé di òktober rònt mundu a selebrá Dia Internashonal di Adulto Mayó. St. Maarten no tabata un eksepsion, kaminda minister presidente di e pais, Silveria Jacobs, a bishitá e adultonan mayó i nan famia djasabra na White & Yellow Cross Care Foundation.

Demostrashon Dia Mundial di Kushinamentu

ST. MAARTEN—Relashoná ku selebrashon di Dia Mundial di Kushinamentu, Departamento di Desaroyo di Komunidat i Asuntunan di Famia i Humanitario, CDFHA, ta tene demostrashon

di kushinamentu bibu na Rupert I. Maynard Community Center, diana 17, 20, 24 i 27 di òktober i 3 di novèmber, di mitar di shete pa 8’or di anochi, na Sundial School. Ta selebrá Dia

Mundial di Kushinamentu anualmente dia 16 di òktober pa promové konsientisashon global i akshon pa esnan ku ta sufri di hamber i tira bista riba e nesidat pa sigurá kuminda saludabel

pa tur. Meta di e demostrashon di kushinamentu ta pa introdusí i atendé diferente téknika básiko pa prepará kuminda lihé, fásil i resetan barata. Pa partisipá, klientenan mester kumpli ku

e siguiente kriteria, entrada nèto dos mil florin òf ménos, ta risibiendo asistensia finansiero di Gobièrnu di St. Maarten, desempleado i dispuesto pa sigui tur e seshonnan.

STATIA/SABA/ST. MAARTEN

Hopi atenshon pa luna di kanser na prostat

ST. MAARTEN – Durante e luna di sèptèmber en konekshon ku konsientisashon tokante kanser na prostat, a tuma lugá diferente aktividat.

E aktividatnan tabata organisá i aportá pa un kantidat di partner, manera organisashonnan no-gubernamental, sobriebiente di kanser na prostat, individual i empresa.

Collective Prevention

Service (CPS) ke gradisí tur partner ku a tuma parti pa hasi e kampaña di konsientisashon henter e luna largu eksitoso.

Kanser na prostat ta un di e áreanan di fokus den promoshon di salú di e departamento. CPS ta kontinuá enkurashá tur hende hòmbler pa papia ku nan dòkter, komprondé nan rísiko i konosé nan propio status.



Promé minister a bishitá Henry Ostiana Foundation



Skohiendo e momentu real na Henry Ostiana Foundation kaminda ta atendé i kuida personanan ku alzheimer, minister presidente Silveria Jacobs riba Dia Internashonal di Adulo Mayó, a hasi un bishita na e instituto. Pa e promé minister, nunca mester lubidá ken nan tabata promé ku e malesa, pero kon nan tabata stimá bo.



Melony liber di tur acusacion:

“E proceso tabata traumatico, pero mi a dicidi pa no give up”

ORANJESTAD -- “E proceso tabata sigur pisa pa mi famia y mi yiunan, pero mi a dicidi pa nunca give up”, Melony a declara dilanti corte diabierna ultimo.

Ta importante pa recorda tur hende cu caso IBIS a cuminsa cu dos huiszoeking unda mas di 30 pa 40 miembro di organisacionnan hudicial, cu 2 cacho pa droga y arma, pa 6:15 di mainta riba na e momentonan su dos yiunan di 4 y 6 aña.

Tabata sigur momentonan di angustia, susto y traumatico.

Despues di esaki henter e proceso di e caso riba su mes, detencion di su casa

pa 86 dia sin ningun contacto cu e famia y atende cu su yiunan su so.

Henter e caso aki ta culmina siman pasa cu un carta di Ministerio Publico unda nan a informa Melony Croes-Paesch cu lo no continua mas cu su caso mas. Awe Melony ta un dama liber y sigur por sigui cu su bida como mama pero tambe como comerciante hoben. “Mi a hasi esaki pa mi famia y mi yiunan. Mi ta kere cu bo ta bringa contra un instituto poderoso cu tin tur fondo y trahadonan pa purba kibra bo como persona. Mi ta un persona fuerte, pero mi ta keda un hende”, Melony a expresa na prensa.

Diabierna ultimo Professor Stijn Franken na Hulanda (Cassatie Advocaat) a notifica famia Croes di e decision di OM pa no sigui persigui Melony den Corte di Casacion.

Despues cu Melony a gana su caso den e acusacionnan di labamento di placa, Ministerio Publico a dicidi asina mes di bai cassatie. Esaki a cambia siman pasa.

Un proceso sigur cu pa e famia ta bai dura un tempo pa por poco poco cura di e heridanan cu esaki ta laga atras.

Melony liber di tur acusacion; “E proceso tabata traumatico, pero mi a dicidi pa no give up”.



Minister Maduro di Finansa ta anuncia:

'Plan di Impuesto 2023' cu meta pa yega na un sistema fiscal mas simpel y husto

ORANJESTAD -- Diabierna 30 di september, Minister Maduro di Finansa a anuncia e 'Plan di Impuesto 2023' cu tin como meta pa yega na un sistema fiscal mas simpel y husto.

E plan ta encera e recuperacion di Aruba su finansa publico por medio di compensacion, reparticion husto y mehoracion di cumplimiento di impuesto di ciudadano y bishitante. Mas concreto e 'Plan di Impuesto 2023' lo conta cu introduccion di un tarifa

nobo di BBO cu ta resulta den un tarifa combina di BBO, BAVP y BAZV di 7%, hunto cu un pakete di compensacion pa individual y negoshi pa yuda mitiga e efectonan di inflacion.

E pakete di compensacion individual ta conta cu un rebaho di 2% riba impuesto di entrada, lo subi e suma liber di impuesto na 30.000 mil florin, lo separa e cobranza di impuesto riba entrada pa pensionado y lo hisa e 'reparatietoeslag' pa pensionado di SVb cu 45



florin. Tur esaki lo yuda baha e peso di impuesto riba esnan mas vulnerabel den comunidad, cual ta nos grandinan y esnan cu ta ricibi un salario cu

ta menos di 2500 florin pa luna. Pa negoshi lo reduci e 'winstbelasting' di 25 pa 22% y lo mantene e 'investeringsaftrek'.

Nos bishitantenan lo

conoce un subida di e 'toeristenheffing' y lo reparti e fondonan aki na un manera mas husto entre ATA, Gobierno y e fondo di TPEF cu ta pa mehora nos producto turistico. E plan ta conta tambe cu algun cambio pa asina mehora e cumplimiento cu e deber fiscal na nos Pais. Durante full e siman venidero e mandatario lo brinda informacion riba e contenido concreto di e 'Plan di Impuesto 2023' cu ta dreठा na vigor 1 di januari 2023.

Homber a hinca su pareha

ORANJESTAD -- Di asabra atardi den careda di 6'or polis a bay pura Nuñe, unda cu un homber a hinca un muhe.

Na yegada di polis via

un porta di garage polis nan a logra bay paden y lo a haya e dama herida.

E dama lo a wordo hinca(herida) na su pia y lo tawata den hopi dolor y

no tawata sinti su pia. Na e sitio polis no a topa cu e homber, cu ta casa di e dama.

Basta rato despues ambulance a yega y Para-

mediconan a bay paden pa mira e situacion di e dama.

Un rato despues a baha e brancard pa por transporta e muhe pa Hospi-

taal.

Segun nos por a comprende, un persona a wordo deteni y transporta pa warda di polis. Lo ta trata di un pareha jong.

Fin di siman tragico pa Aruba y hopi famia

ORANJESTAD -- Alcohol y velocidad halto ta keda causa morto den trafico na Aruba. Chauffeurnan ta keda core irresponsabel riba nos careteranan, alcohol y velocidad halto ta e causante principal di accidentenan di trafico.

Ni cu tanto conscienciacion, ni cu tanto publicacion, no tin ora di dia cu chauffeurnan bou influencia ta subi tras di stuur of tambe chauffeurnan no ta mantene nan mes na e velocidad maximo permiti.

E prome diadomingo di luna di october ta habri hopi tristo, un dia scur pa Aruba, cu e cuminsa cu un hoben di 24 aña a hoga den un pool na Palm Beach y despues den oranan mas laat di mainta den Colony, un baby, su mama y su tanta ta fayece den un accidente di trafico.

Diadomingo den careda di 10'or y 35 di mainta a sosode un accidente fatal un poco pazuid di e entrada di Colony.

Un Nissan Skyline preto cu dos persona den dje lo

tabata biniendo di panort cu velocidad hopi halto, pa un of otro motibo e chauffeur lo tabata coriendo zigzag riba e caminda y net na momento cu di pazuid tabata biniendo un Chevrolet Aveo cora, den e Aveo tabata tin dos dama y tres baby.

E Skyline a hala na su man robes y a dal frontal contra e Chevrolet Aveo. E impacto tabata asina fuerte cu tres persona den e Chevrolet Aveo a fayece mesora na e sitio. E tres fayecidonan tabata un baby di apenas 2 aña, su mama y un ruman muhe di e mama.

Segun nos a compronde e mama y e tanta a bay un rato lama cu e criaturan y tabata bayendo cas. Den e Aveo tabata tin dos baby mas cu a keda seriamente herida. E ocupante di e Skyline tambe a keda gravemente herida, mientras e chauffeur a keda herida pero su situacion no ta grave. Segun nos a compronde di polis cu e chauffeur di e Skyline lo tabata bou influencia.

Varios unidad di Polis



a presenta na e sitio y a cera e caminda. Tres ambulance a presenta pero lamentablemente no por a haci nada mas pa 3 di e victimanan, nan a fayece durante e impacto. E tres ambulancenan cu urgencia a transporta tur 4 herido pa hospital. Varios patruxa di polis tabata staciona na luganan strategico pa asina habri caminda pa ambulance por yega mas lihe cu ta posibel hospital.

Specialista di trafico y departamento tecnico di polis tambe a presenta na e sitio pa haci mas investigacion. Ad Patres Funeral Home a busca e curpanan sin bida di e damanan y e baby mucha homber di

apenas dos aña. Ambos ruman tin mas yiu.

Informe policial ta bias iku diadomingo pa 10.35 central di polis ta wordo notifica di un accidente basta grave den Colorado. Na yegada di patruxa ta pidi pa un ambulance y materialwagen cu maximo urgencia mirando cu den un di autonan tin 3 persona cu no ta duna señal di bida y cu tin 4 persona mas gravemente herida.

Diferente Ambulance a yega na e sitio y transporta 3 mucha (10 luna, 3 aña y 5 aña) y un hende mayor di edad cu maximo urgencia pa hospital. Pa 11.28 Dokter De Cuba a constata morto di: Joanne Carolina

Wouters, Aruba 13 october 1987; Mirella Jennyfer Wouters, Aruba 1 november 1986 y di Rendrick Wouters di apenas 2 aña di edad.

Polis di trafico como tambe polis tecnico di Cuerpo Policial a presenta na e sitio pa haci nan investigacion. Slachtofferhulp tambe a presenta na e sitio na unda a brinda yudansa y sosten na e famia di e fayecidonan. E tabata un siman hopi tristo pa hopi famia aki na Aruba, pasobra algun dia atras tambe tabatin un accidente riba Watty Vos Blvd unda cu un mucha homber di 19 aña perde su bida den forma tragico.

Futbolista a hoga den caso cu ta bou investigacion

ORANJESTAD -- Diadomingo mainta pa mas o menos 06.05 central di polis ta wordo informa cu un persona lo a haya problema den un pool na un cas na Palm Beach y no ta duna señal di bida. Un rato despues melding ta drenta for di hospital cu a trece un mucha homber cu no ta duna señal di bida y cu aparentemente a hoga den un pool. Mesora Central ta despacha un patruxa di polis pa hospital y aki 06.42 Dokter Kuip a constata morto di

Daniel Perez-Cujia, naci na Aruba di 24 aña di edad. Recherche di distrito di Noord y Departamento Tecnico di Cuerpo Policial (BFTO) tambe a presenta na hospital y tambe a bay na e cas na Palm Beach caminda cu e caso aki a sosode pa haci e interrogacion y investigacion necesario. Departamento di slachtofferhulp tambe a presenta na hospital na unda a brinda yudansa y sosten na e famia di e fayecido. E futbolista aki di Sport Club

United a wordo busc na su cas door di amigonan. Su mayornan a kita auto for di dje pa motibo cu e lo tabata bou influencia di alcohol. Pero e amigonan a busc'e y a bay na e cas na Palm Beach. Kico a pasa durante e wegá di kende por wanta mas tempo bou di awa, ta motibo cu Polis a confisca e curpa pa investigacion. Ademas di futbolista, Daniel tabata un musico aspirante.

Palabra di condolencia na su famia y amigonan.



DEPORTE

Uruguay i Vespo a empatá 0-0 i Vespo ta klasifiká

KRALENDIJK--SV Uruguay di Antriòl Pariba i SV Vespo di Rincon, djadumingu último den último partido plei-òf Buèlta Seis,

a empatá 0-0 ku otro den presensia di un bon públiko ku a paga pa mira e partido.

SV Vespo a hinka un gol

pa medio di pinalti pero e gol a keda anulá riba desishon di rèfri.

Na final di e partido a pasa algu mashá mashá

mahos ku bringamentu sin nodi.

Di akuerdo ku e informashonnan ofisial di e partido, djadumingu último 2 di òktober a tuma lugá partido nr.15 di e plei-òf Buèlta Seis ku a bai entre SV Uruguay i SV Vespo.

E promé mitar di e partido no a konosé gol, e partido ta parti na dos pa sosiegu empatá 0-0.

E di dos mitar tampoko e partido no a konosé gol i ta finalisá empatá 0-0, loke ta nifiká ku kada un ekipo a logra 1 punto fo'i dje partido.

Ku e resultado aki SV

Vespo ta klasifiká pa plei-òf Buèlta Kuater.

Rèfri ku a dirigí e partido aki ta Ashier Martinez.

Un total di 572 fanátiko a paga pa mira e partido, loke ta bon pa 371 adulto, 136 mucha i 65 fanátiko riba 60 aña.

Un danki di parti FFB na e fanatikada ku a paga pa mira e partido aki.

Ta di lamentá si e loke a pasa na final di e partido ku bringamentu i ku asta tabatin fanátiko ku a subi tereno di wega. Hopi di lamentá. Riba potretan e rèfrinan ku a dirigí e partido i e ekiponan.



Atl. Flamingo na kabes final Buèlta Seis

KRALENDIJK--E klup di futbòl di Nikiboko ku ta sv Atl. Flamingo, a finalisá plei-òf Buèlta Seis sólido na kabes di e campeonato ku un total di 12 punto.

Djadumingu último tabatin e último partido di e plei-òf ku e partido entre SV Uruguay i SV Vespo.

Posishon final Buèlta Seis.

Atl. Flamingo 5 hungá, 4 ganá 1 pèrdi 12 punto.

Real Rincon 5 hungá, 3 ganá 1 empatá 1 pèrdi 10 punto.

Vitesse 5 hungá, 2 ganá 1 empatá 2 pèrdi 7 punto.

Vespo 5 hungá, 1 ganá 2 empatá 3 pèrdi 5 punto.

Estrellas 5 hungá, 1 ganá 1 empatá 3 pèrdi 4 punto.

Uruguay 5 hungá, 1 ganá 1 empatá 3 pèrdi 4 punto.

Éksito na e ekiponan den e plei-òf di kuater.

DEPORTE

Amado Vrieswijk tòp PWA World Tour



Amado Vrieswijk ta na tòp di PWA World Tour Windsurfing Slalom na Windsurf World Cup Sylt. Un siman di nabegashon ku profeshonalnan ku ekiponan ekselente. Vrieswijk ta gradisí Maciek Rutkowski i Matteo Iachino Ita-140, pa nan aporte. E ta sigui awor pa Brest, Fransiá, pa IQFOiL Class Worlds.



Bonaire Stars 60+ supkampion na Aruba

KRALENDIJK--E tim di sòftbòl veterano di nos isla ku ta Bonaire Stars 60+, fin di siman pasá den e torneo di sòftbòl Dutch Caribbean Master na Aruba, a keda di dos lugá o sea supkampion di e torneo.

Bonaire Stars a sali gana su promé dos partidonan di Aruba i Kòrsou i tabata den final ayera despues di a gana su di tres partido tambe di e torneo.

Den final Bonaire Stars a keda di dos lugá o sea supkampion di e torneo.

Bonaire Stars den su promé partido djabièrnè a gana di e ekipo Boomerang di Aruba ku skor di 4-1.

Picher ganadó di e partido aki ta Luthwin Beaumont. Picher pèrdèdó ta Jose Croes.

Mihó batidónan pa Bonaire Stars den e partido ta Elson Louisa di 3-2.

Jose Mezquita di 3-2.

Frank Domacassé di 3-2 den e partido.

Eric Martis a bati di 2-1 den e partido.

Mihó batidónan pa Boo-

merang Aruba ta Edilio Molina di 3-2.

Francisco Geerman di 2-1. Enrico Webb di 1-1.

Mario Maduro tambe a bai di 1-1 den e partido.

Despues di esaki, djasa-bra último Bonaire Stars a gana di Kòrsou, e ekipo Los Amigos di Kòrsou ku skor di 5-4. Bonaire Stars a gana tres partido de ne torneo regular i ku e tres viktorianan aki riba Aruba i Kòrsou, Bonaire Stars tabata den final di e torneo ayera. Despues di e partidonan aki Bonaire Stars a hunga un di tres partido i gana esaki tambe i pasa pa final. Den partido final bou di lus Bonaire Stars a kai vensí ku Aruba Juniors i keda di dos lugá o sea supkampion di e torneo.

Pabien na Bonaire Stars ku e título di supkampion aya na Aruba.

Ria potrèt un hungadó

huntu ku sra. Lenny Janga na kabes di Bonaire Stars 60+ ku e trofeo supkampion.



Graelca B.V.

ta buska

koelmonteur

-mester tin 3 aña di eksperiensa

Pa mas inf. 786-2303

MAGIA DI BO SOÑO

Loke bo soña su nifikashon i su number di suerte

- Buraku**

Morto den famia pronto. Number: 2011
- Salada**

Señal di trankilidat doméstiko i rikesa.
Number: 7916
- Telefòn**

Pronto lo risibí notisia ku tabata spera.
Number: 7419
- Harpa**

Soña ku toka harpa ta nifiká matrimonio, si
no ta abo, ta un famia òf amigu stimá.
Number: 7502
- Almendra**

Almendra hechu ta nifiká prosperidat.
Number: 5617

NOS A TOPA



Nos a topa, Naomi de Gruijl, e ta Managing Director Cannabis Vereniging Bonaire (CVB). Ta yu di mi amiga Elsmarie. Durante un enkuentro ku prensa na Tera Kòrà Ranch, mi a kombersá kuné pa promé biá. E mama a bromá mi mashá ku e yu. E tin mag. Lag'é broma ku su yu. Naomi ta tras di e meta pa logra legalisá cannabis pa Boneiru. Mi a nota, e ta papia mesun manera i akтитut ku su mama. Su vishon ta fuerte pa logra su meta, tardi òf trempa.

Meet the **NEW MEMBER** of our
CHANGAN WORKFORCE

MS201 DOUBLE CABIN


\$16,995



2-meter Long Flat Bed



Double Airbag


1.2L
GASOLINE ENGINE


800KG
CARGO


MANUAL
TRANSMISSION


97
HORSEPOWER


3
year
WARRANTY